

altera cautum fuerit, Quod Clerici qui culpabiles inveniuntur in rixis, ita puniri & condemnari deberent, sicut condemnantur & puniuntur laici per Dominium sæculare, & easdem pœnas debeant incurere, quas incurrerent sæculares, & ad istam conditionem positi fuerint & sint Capellani & Clerici S. Marci, & nuper fuerit per Officium quinque de Pace querela deposita coram Ill.^{mo} DD. Andrea Dandolo Dei gratia Duce Venetiarum &c. tamquam Superiore Capellanorum & Clericorum Ecclesiæ S. Marci, quod presbyter Zanninus Boldu dictæ Ecclesiæ Capellanus fuerat repertus dedisse operam & favorem in quadam rixa, & in tam manifesta culpa ipsius erat, quod si fuisset laicus apertissime haberet ipse incurrisse pœnam librarum quinquaginta, præfatusque D. Dux volens secundum formam Constitutionum ipsorum dictum Capellanum suum pœna multare, mandaverit & fecerit quod Capitulum Ecclesiæ S. Marci cogerent eum ad deponendum libras quinquaginta parvorum in manibus dicti Capituli, quas idem D. Dux mandavit conservari debere, & nullo modo restitui, vel inde amoveri absque ipsius D. Ducis licentia speciali, intendens de ipsis ordinare & disponere sicut iustitia persuaderet. Posteaquam ad audientiam ipsius D. Ducis foret productum, & per confessionem quamplurium ex Capellanis dictæ Ecclesiæ habitam per eum, quod pecunia memorata, non obstante mandato Ducali, fuerat dicto presbytero Zannino restituta, absque ulla ejus conscientia vel consensu;

953) Prænominatus D. Dux, cui spectat eorum correctio, inobedientiam dicti Capituli & Capella-